

金

匱

翼

金匱翼卷五目錄

頭痛統論

風頭痛

熱厥頭痛

溼熱頭痛

寒溼頭痛

痰厥頭痛

腎虛頭痛

肝厥頭痛

食積頭痛

血虛頭痛

氣虛頭痛

偏頭痛

雷頭風

大頭痛

項背痛

臂痛

眩暈

風虛眩暈

肝厥頭暈

下虛眩暈

熱風頭眩

耳痛統論 風聾 厥聾 腎虛耳聾 膿耳 聒耳

鼻淵鼻塞

舌脹舌出

口瘡

齒痛

咽喉 客熱咽痛 客寒咽痛 咽痛失音

咽喉妨悶 喉痺諸法

金匱翼卷五

飼鶴山人九

長洲後學徐錦炳南氏讀

頭痛統論

頭象天。六腑清陽之氣。五藏精華之血。皆會於此。然天氣所發六淫之邪。人氣所變五賊之逆。皆能相害。或蔽覆其清明。或瘀塞其經絡。因與真氣相薄而爲痛也。因風而痛者。抽掣惡風有汗而痛。因暑熱而痛者。或有汗。或無汗。則皆惡熱而痛。因濕而痛者。痛而

頭重。遇天陰尤甚。因痰飲而痛者。亦頭昏重而痛。慣欲吐。因寒而痛者。惡寒而脉細急。氣虛而痛者。遇勞則痛甚。其脉大。血虛而痛者。善驚惕。其脉芤。

東垣治頭痛。大率皆以酒芩酒連酒柏加風劑。如清空膏安神散。清上瀉火湯之類。但雜用羌防升柴藁蔓等藥。殊欠紀律。學者師其意可也。元珠茶調散簡要可用。

治頭風久痛。須加芎歸紅花少許。非獨治風兼和血止痛也。細茶最能清上風熱。久痛以之作引。彌佳。東

垣謙甫皆常用之。

許學士荆芥散獨用荆芥治風。煨石膏治熱。何等簡要。東垣清空膏諸方。蓋師其意而擴充之。

風痰頭痛多兼嘔逆眩暈。若用風藥其痰愈逆其痛益甚。和劑玉壺丸乃是的藥。東垣變爲白朮半夏天麻湯則兼氣虛而言之耳。

腎厥頭痛肝厥頭暈。本事方論之最詳。

玉真丸硫黃半夏溫降之力彌大。石膏硝石寒下之能甚長。夫陰氣上逆其來最暴。治以純陽必多格拒。

故須羔硝爲之佐使。令其相入而不覺其相傾耳。黑錫丹亦見此意。

茸珠丹有二方。一用硃砂鹿茸二味爲丸。蓋亦補虛墜浮之意。一用硃砂同草烏瞿麥黃藥子火煨獨取硃砂爲末作丸。此不特硃砂經火有毒。卽草烏之辛散瞿麥黃藥之苦降。並已成灰。吹去不用。而顧需其相濟。詎可得耶。

搐鼻諸方。本事獨用辛溫。東垣河間並用辛涼。夫久畜之風多化爲熱。而閉鬱之氣非溫不通。隨病斟酌。

從少從多。則賢者之責也。

頭風餅子。有用五味子全蠍土狗各七個。醋和作餅者。川南星川芎等分。同蓮鬚葱白搗爛作餅者。有用草麻子乳香者。有用大黃芩硝同井底泥搗貼者。然外治之藥。無論邪之寒熱。並宜辛溫開達。徒用苦寒鬱閉。益甚。苟非熱極。不可輕用。

頭痛之因。非止一端。有風有寒。有濕有熱。有兼氣兼氣者。如火與濕合。內經所謂少陽司天之政。二之氣其熱鬱於上。頭痛嘔吐昏憤是也。有火勝水復者。內

經所云歲金不及。炎火迺行。復則陰厥。且格陽反上行。頭腦戶痛。延及腦頂發熱是也。有胃實者。經所謂頭痛耳鳴。九竅不利。腸胃之所生是也。有腎厥者。經所謂頭痛顛疾。下虛上實。過在足少陰。巨陽甚則入腎是也。有心熱者。經所謂心煩頭痛。病在膈中。過在手巨陽。少陰是也。有痰飲者。其病在脾。東垣所謂太陰痰厥。頭痛眼黑。嘔吐悶亂。亦濕勝也。有內風者。風從火化。其病在肝。不特厥陰之脈與督脈上會于巔。蓋卽肝藏沖逆之氣。亦能上至巔頂也。又有真氣不

守厥而上行。天門真痛。上引泥丸名真頭痛。多不可治。古方云。與黑錫丹。灸百會穴。猛進參附烏沉。或有可能。然夫柱折者。亦難爲力矣。

風頭痛

風頭痛者。風氣客于諸陽。諸陽之脉。皆上于頭。風氣隨經上入。或偏或正。或入腦中。稽而不行。與真氣相擊。則痛。經云。風氣循風府而上。則爲腦風是也。其挾寒挾熱。則隨症審而治之。

經驗治頭痛。風熱痛不可忍者方。

元珠名
茶調散。

小川芎 一兩 香白芷 五錢 細芽茶 三錢

片黃芩 二兩 酒拌炒再拌再炒
如是三次不可令焦

荊芥穗 四錢 薄荷葉 三錢

右細末。每服二三錢。茶清調下。一方有菊花

防風殭蠶。

石羔散

石羔 二兩 炭火 川芎 一兩 炙甘草 半兩
燒研細末

右爲末。每服一錢。葱白好茶同煎湯調下。食後

日二服。

一方決明子作枕去頭風明目佳

本事白附散 治風寒客于頭中疼痛牽引兩目

遂至失明

白附子 一兩 麻黃 川烏 南星 各半兩

全蠍 五個 乾薑 硃砂 麝香 各二錢半

右爲細末酒調一匙服暑睡少時效

三五七散 治風寒入腦頭痛惡寒目眩

防風 二兩 茱萸 炮薑 茯苓 各一兩五錢

細辛 炮附子 各七錢五分

右爲細末。每服二錢。溫酒調下。局方

芎辛湯

治風寒溼在腦。頭暈眩暈。嘔吐。

川芎 三錢

細辛

白朮

各一錢半

甘草

一錢

右剉作一貼。入生薑五片。芽茶少許。水煎服。

生

東垣云。高巔之上。惟風可到。故味之薄者。自地升天者也。所以頭痛皆用風藥治之。然患病入血。必不活。而風藥最能燥血。故有愈治而愈甚者。此其要尤在養血不可不審也。

熱厥頭痛

熱厥頭痛者。胃熱氣盛。不能下行也。其證頭中熱痛。雖嚴寒。猶喜風寒。微來煖處。或見煙火。則痛復作。其脈數。或大者是也。

小清空膏

片芩細切。酒拌勻。晒乾爲末。茶清調下。

治熱厥頭痛方

大黃酒炒三次爲末。茶清調服。

熱氣在頭。以風藥引之。則熱彌盛而痛益甚。大黃

苦寒瀉熱得酒則能上行瀉腦熱昔人所謂烏巢高巖射而去之是也。茶性清上。故諸頭痛藥中多加用之。

新定

生地

三錢

知母

酒炒

黃芩

酒炒各一錢

薄荷

黑山梔

甘菊

甘草

荆芥 各五分

紅花

三分

右作一服。水煎食遠服。便閉加酒炒大黃一錢五分。此方治頭痛煩熱。喜見風寒。稍近煙火則

痛復作。或便閉不通者。往往取效。古法動作
輒頭重痛。熱氣潮者。屬胃。丹溪云。頭痛如破
酒炒大黃半兩。茶清煎服。

溼熱頭痛

溼熱頭痛者。溼與熱合。交蒸互鬱。其氣上行。與清陽
之氣相搏。則作痛也。東垣云。諸溼熱頭痛。清空膏主
之。又云。溼熱在頭而頭痛者。必用苦吐之。或用搐鼻
藥。

清空膏 療風溼熱頭痛。上壅損目及腦痛年深

不止

羌活

防風

各一兩

柴胡

七錢

川芎

五錢

炙草

一兩半

黃連

一兩炒

黃芩

三兩

一兩半

酒製

右爲細末。每服二錢。入茶少許。湯調如膏。抹在口內。少用白湯送下。臨臥。

搐鼻散

青黛

石羔

芒硝

鬱金

薄荷

牙皂

右爲末。搐鼻。

東垣白芷散。有白芷。無牙皂。青

黛

又頭重如山者。溼氣在頭也。用紅豆散。

紅豆 十粒

麻黃

瓜蒂 各五分

連翹

羌活 各三錢

錢燒

右爲末搗鼻。

透頂散 本事

細辛 表白者
三莖

瓜蒂 七箇

丁香 三粒

糯米 七粒

冰片

麝香 各一黑
豆大

右爲極細末。每一大豆許。患人隨左右搗之。良。

久出凝一升許則安。此藥性味視前搐鼻散
稍溫也。當隨證審而用之。

子和神芎丸 治溼熱壅滯頭目赤腫疼痛大小
便閉澀。

大黃

黃芩

各二兩

牽牛

生

滑石

各四兩

黃連

薄荷葉

川芎

各半兩

右爲末滴水爲丸。梧子大。每服五十九。食後溫
水送下。

缺寒溼頭痛一門

鶴年補集

頭痛由于溼熱上壅者頗多。然亦有因寒溼者。金匱所云頭痛鼻塞而煩。其脈大。自能飲食。腹中和無病。病在頭中寒溼。故鼻塞。納藥鼻中則愈。愚以爲本事透頂散正治寒溼頭痛之劑。否則丁香細辛治溼熱頭痛。無乃以火救火歟。

痰厥頭痛

痰厥頭痛者。病從脾而之胃也。夫脾主爲胃行其津液者也。脾病則胃中津液不得宣行。積而爲痰。隨陽明之經上攻頭腦而作痛也。其證頭重悶亂眩暈不

休兀兀欲吐者是也。

〔半夏白朮天麻湯〕 治太陰痰厥頭痛眼黑頭旋

惡心煩亂肢冷身重。

半夏

陳皮

去白

麥芽

各七錢半

神麴

白朮

五錢炒

黃芩

炙

蒼朮

米泔浸

天麻

茯苓

人參

澤瀉

各五錢半

黃柏

一分

乾薑

三分

稍熱服食前。一方加生薑一片。

〔外臺云〕頭痛非冷非風此腦有痰也濃煎茶啜

一二升探吐之吐已復吐候苦汁出乃止不損人待渴自止妙。

茶調散

子和

瓜蒂好茶二味等分爲末每二錢

汁調空心服之取吐。

半夏茯苓湯

治熱痰嘔逆頭痛

半夏

二錢

茯苓

一錢

陳皮

去白

甘草

各五分

黃芩

五分

生薑

三片

煎作一服

頭痛連眼痛此風痰上攻用雨前茶川芎白芷防

風天台烏藥細辛當歸爲末湯調服。

防風飲子 療風痰氣發卽頭旋嘔吐不食。

防風

人參

橘皮

各二兩

白朮

茯苓

各三兩

生薑

四兩

右剉碎以水六升煮取三升去滓分溫四服一

日服盡忌醋桃李雀肉蒜麪。

直指方云二陳湯加荆芥治頭風兼治痰壅酒

壅又云頭風證眉棱耳角俱痛投以風藥不效

投以痰藥收功眼目亦腫羞明而痛投以涼劑弗瘳

與之痰劑獲愈也。

玉壺丸

治風痰吐逆頭痛目眩胸膈煩滿飲食不下及咳嗽痰盛嘔吐涎沫。

天南星

生

半夏

各一兩半

天麻

半兩

頭白麵

三兩

石爲細末滴水爲丸。梧子大每服三十九。用水一大瓊。先煎令沸。下藥五七沸。候藥浮卽熟。漉出放溫。別用生薑湯下。不計時。一方有白朮五錢。雄黃水飛三錢半。

東垣壯歲病頭痛。每發時兩頰盡黃眩暈。目不

欲開嬾于言語。身體沉重兀兀欲吐。數日方過。潔古老人曰。此厥陰太陰合而爲病。名曰風痰。以局方玉壺丸加雄黃白朮治之。

芎辛導痰湯 治痰厥頭痛。

川芎

細辛

南星

陳皮

去白

茯苓

各一錢半

半夏

二錢

枳實

甘草

各一錢

右作一服。水二鍾。薑七片。煎至一鍾。食後服。

此導痰湯加川芎細辛爲引。使上行也。方殊簡要。

腎虛頭痛。

腎虛頭痛者。腎陰不足。虛陽無附而上攻。素問所謂頭痛巔疾。下虛上實。過在足少陰。巨陽。許學士謂之腎厥頭痛是也。

玉真丸 治腎氣不足。氣逆上行。頭痛不可忍。謂之腎厥。其脈舉之則弦。按之則堅。

硫黃

二兩

石羔

煨過赤研

半夏

硝石

各一兩研

右爲細末。研勻。生薑汁和丸。桐子大。陰乾。每服二十九。薑湯或米飲下。更灸關元百壯。良虛寒。

者去石羔加鍾乳粉一兩。

黑錫丹

沉香

附子

葫蘆巴

肉桂

各半兩

茴香

破故紙

肉荳蔻

金鈴子

木香

各一兩

黑錫

硫黃

與黑錫結砂子各二兩

右爲末。全研。酒煮麴糊爲丸。如梧子大。陰乾。以布袋擦令光瑩。每服四十九。空心薑鹽湯送下。

一方有陽起石半兩。巴戟一兩。

肝厥頭痛

肝厥頭痛者。肝火厥逆。上攻頭腦也。其痛必在巔頂。以肝之脈與督脈會于巔故也。雖太陽之脈亦上額交巔。然太陽頭痛必惡風寒。而厥陰頭痛必多眩暈。或厥逆抽掣也。

龍薈丸

方見厥

加甘菊、羚羊角、氣實便堅者用之。

虛者宜生地、羚羊角、甘菊、麥冬之類。滋之清之。使肝柔則厥自已。

抑青丸

黃連一味。吳茱萸湯浸一宿。爲末。粥丸。

爲青丸

當歸

去蘆焙

龍膽草

川芎

梔子

川大黃

煨

羌活

防風

去蘆各等分

右爲末。煉蜜丸。雞豆大。每服一丸。竹葉湯全沙糖溫水化下。

食積頭痛

食積頭痛者。食氣上攻。胃氣不清也。子和云。邪在胃而頭痛者。必下之。其證必兼痞滿。噯酸。噫。敗卵臭。或飽食則痛甚。其脈右手滑盛者是也。

館職張學士嗜酒散誕。忽頭痛發熱。醫作傷寒治之。愈甚。孫兆脈之。右手脈甚數。左手脈和平。曰。此疾非傷寒。學士好酒。啖食所傷也。遂川食藥五七丸。經食久。膈漸寬。痛遂減。再進利膈藥。遂獲安。

紅丸子

方見飲食門

治中湯

卽理中湯加青皮陳皮等分。

血虛頭痛

血虛頭痛者。血虛脈空。自魚尾上攻頭痛者是也。產

後多有此證。魚尾眉尖後近髮際是。

魚尾在眉梢後陷中。卽絲竹空。

穴是也。

川芎當歸湯

川芎

當歸 等分

爲細末。每服二錢。水煎溫服。

一方 川芎 半兩 爲末。每服二錢。臘茶調下甚效。

一方 當歸 一兩 酒一升。煮取六合。飲至醉效。

一方 四物湯加甘菊薄荷。

新定

生地

二錢

當歸

一錢

蔓荊

五分

黃芩

一錢
酒炒

白芍

一錢
酒炒

炙草

三分

甘菊

七分

川芎

五分

氣虛頭痛

氣虛頭痛者。清陽氣虛不能上升也。其脈必弦微。其證必倦怠氣短。惡風寒不能食。

羅太無云。參謀柏仲質年六十餘。二月間患頭痛不可忍。邀往視之。其人云。近在燕京。患頭昏悶微痛。醫作傷寒治之。汗出後。痛轉加。復汗解。痛益甚。遂歸。每召醫用藥雷同。到今痛甚不得安臥。惡風寒而不喜。

食飲診其脈。弦微而細。氣短而促。懶言語。內經曰。春氣者病在頭。今年高氣弱。清氣不能上升。頭面故昏悶。此病本無表邪。因發汗數四。清陽之氣愈虧。不能上榮。亦不能外固。所以頭苦痛而惡風寒。不喜飲食。氣弱而短。宜升陽補氣。頭痛自愈。

黃芪

半一錢

人參

一錢

白朮

當歸

白芍

各五錢

陳皮

炙草

升麻

柴胡

蔓荊

各三分

川芎

細辛

各三分

右咬咀作一服。水煎。食後溫服。減半。再服愈。

新定

人參

黃芪

白朮

各一錢

甘草

五分

當歸

陳皮

各七分

升麻

二分

蔓荊

細茶

各八分

白芍

一錢

右作一服水煎。

偏頭痛

偏頭痛者。由風邪客於陽經。其經偏虛者。邪氣瘳于一邊。痛連額角。久而不已。故謂之偏頭痛也。

王荆公患偏頭痛。裕陵傳禁中秘方。用生菜菹汁一

蜺殼仰臥注鼻中左痛注右右痛注左或兩鼻皆注亦可數十年患皆一注而愈

一婦人患偏頭痛一邊鼻塞不聞香臭常流清涕或作臭氣一陣遍治頭痛藥皆不效一醫教服芎犀丸不十數服忽然嚏突出一鉅稠膿其疾遂愈

芎犀丸 此方兼祛風清熱之長而得參膠等安定氣血雖虛人亦可用之安內攘外並行不悖也

川芎

硃砂

水飛內一兩為衣

石膏

龍腦

各四兩

人參

茯苓

炙草

細辛

各二兩

生犀角

梔子

各一兩

阿膠

炒一兩半

麥冬

三兩去心

右爲細末。蜜丸。彈子大。每服一九。食後細嚼茶酒任下。

節齋云。久病頭風。畧感風寒。便發寒熱。頭須重綿厚帕包裹者。此屬本熱而標寒。世人不識。悉用辛溫散之。輕時得效。誤認爲寒。殊不知其本有鬱熱。毛竅常疎。故風易入。外寒束其內熱。閉逆而爲痛。辛熱之藥。雖能開通閉逆。散其表之寒邪。然以熱濟熱。病本益

深惡寒愈盛矣。惟當瀉火涼血而佐以辛溫散表之劑。以從法治之。則病可愈而根可除也。

雷頭風

雷頭風者。頭痛而起核塊。或頭中如雷之鳴。蓋爲邪風所客。風動則有聲也。亦有因痰熱者。蓋痰生熱。熱生風也。其法輕則散之。甚則吐之下之。

新定消風散熱方

薄荷

七分

連翹

黃芩

黑山梔

犀角

荆芥

牛蒡子

各一錢

桔梗

甘草各五分

右作一服水煎。

二仙散 子和云。雷頭風。每用此藥吐之。次用神芎丸下之。一名茶調散。

瓜蒂 好茶 等分

右爲末。每二錢。薑汁調。空心服之。取吐。

神芎丸 方見溼熱
頭痛門。

治痰火上升。壅於氣道。兼乎風火。頭中痛而有聲。輕如蟬鳴。重如雷響。

石山經 卷五
半夏

一兩牙皂
薑汁煮

大黃

酒浸透溼紙包煨再
浸再煨三次二兩

天蟲

連翹

橘紅

桔梗

天麻

各五錢

片苓

七錢
酒炒

薄荷葉

三錢

香白芷

青礞石

粉草

各一錢

右爲末。水浸蒸餅丸如棗豆大。食後臨臥茶吞
二錢。以痰利爲度。然後用清痰降火煎藥調理。

大頭痛

大頭痛者。頭痛而腫大如斗。乃天行疫癘病也。

普濟消毒飲子

黃芩

酒炒

川連

各半兩

薄荷

一錢

橘紅

二錢

元參

二錢

甘草

二錢

連翹

一錢

鼠粘子

一錢

板藍根

一錢

馬勃

一錢

天蟲

炒七分

升麻

七分

柴胡

桔梗

各二錢

右共爲細末，用湯調，時時服。或拌蜜丸，噙化。或加防風、薄荷、川芎、當歸、杏仁，如麻豆大，每服五錢。水煎去渣，熱服之。食後時時服之。如大便硬，加酒煨大黃一錢，或二錢，以利之。腫熱甚者，宜砭刺之。一方無薄荷，有人參二錢。

東垣監濟源稅時長夏多疫癘病初覺憎寒體重次傳頭而腫盛目不能開上氣喘急咽喉不利舌乾口燥俗云大頭天行親戚不相訪問傳染多死張縣丞亦患此醫以承氣湯加藍根下之稍緩翌日其病如故下之人緩莫能愈漸至危篤東垣診之謂曰夫身半以上天之氣也身半以下地之氣也此邪客于心肺之間上攻頭目而腫痛反以承氣下之瀉胃中之實熱是誅伐無過也夫安知適其病所爲故哉遂處方用黃

連黃芩味苦寒。瀉心肺間熱。以爲君。元參鹹微寒。甘草甘寒。瀉火補氣。以爲臣。連翹鼠粘子薄荷辛平。板藍根味甘寒。馬勃白殭蠶味苦平。散腫消毒。定喘以爲佐。升麻柴胡苦平行。少陽陽明二經。使氣得升。桔梗味苦辛溫。爲舟楫。不令下行。服之良愈。乃施其方。全活甚衆。名普濟消毒飲子。

項背痛

本事方云。一親患項筋痛。連及背。卽不可轉。服諸風藥皆不效。余嘗憶及千金有腎氣攻背椒附丸。于強與之。兩服頓瘳。自後與人皆有驗。蓋腎氣自腰夾脊上至曹谿。然後入泥丸宮。曹谿一穴。非精於搬運者不能透。今逆行至此。不得通用椒以引歸經。則安矣。

椒附丸

大附一枚六錢已上者
炮去皮臍末之。

右每末二大錢。好川椒十粒。用白麵填滿。水一

臂痛

臂痛有痰有虛有氣血凝滯各隨症治之。

指迷茯苓丸 治中脘留伏痰飲臂痛難舉手足不得轉移此治痰之第一方也。

半夏 二兩 茯苓 一兩 枳殼 去穢炒半兩

風化朴硝 二錢五分

右爲末薑汁麩糊丸如梧子大每服三十九粒湯下。

十味劉散

方見痺症門

治中風血虛臂痛舉動難支

眩暈

雞峯云。夫風之病起于心氣不足。胸中畜熱而實。故有頭風面熱之所爲也。痰熱相感而動風。風心相亂。則悶瞽。故謂之風眩悶瞽也。又云。頭風目眩者。由血氣虛。風邪入腦而牽引目系故也。五臟六腑之精。皆上注於目。血氣與脉并上爲目系。屬于腦。後出于項中。血脉若虛。則爲風邪所傷。入腦則轉。而目系急。故成眩也。診其脈洪大而長者。風眩也。

按眩暈雖爲風疾。而有內外之分。雞峯所謂痰熱

相感而動風者。風自內生者也。血氣虛。風邪入腦者。風從外入者也。內風多從熱化。引之則彌盛。外風多從虛入。清之則轉加。二者不可不辨也。

素問云頭痛巔疾。下虛上實。過在足少陰。巨陽甚則入腎。徇蒙招尤。目暝耳聾。下實上虛。過在足少陽厥陰。甚則入肝。下虛者。腎虛也。故腎虛則頭痛。上虛者。肝虛也。故肝虛則頭暈。徇蒙者。如以物蒙其首。招搖不定。目暝耳聾。皆暈之狀也。

高鼓峯云。腎陰不足。三陽之燄。震耀于當前。中土虛。

衰下逆之光。上薄于巔頂。陰虛而眩者。目中時見火光。土虛而眩者。必兼惡心嘔吐也。

按中土虛衰不能下蔽真陽。則上乘清道。所謂上入之光也。然亦有中虛肝氣動而暈者。如土薄則木搖也。大抵眩暈多從肝出。故有肝虛頭暈。腎虛頭痛之說。雖亦有肝病頭痛者。要未有眩暈而不兼肝者也。

聖濟總錄云。風頭旋者。以氣虛怯。所稟不充。陽氣不能上至于腦。風邪易入。與氣相鼓。致頭旋而暈也。亦

有胸膈之上痰水結聚。復犯大寒。陰氣逆上。風痰相聚而結。上衝於頭。亦令頭旋。治當用人參丸祛痰丸之類者也。

風虛眩暈之方

守中丸 治風虛頭眩腦轉。目系急。忽然倒仆。

人參 白朮 甘菊 枸杞子

山藥 各二兩 白茯苓 十兩 去皮 麥冬 三兩 生地黄 二十斤 絞去汁

右爲細末。先川生地黄汁于銀器內。入酥三兩。白蜜三兩。同煎。逐旋掠取汁。上金花令盡。得五

升許。于銀器內拌炒。前七味藥漸漸令乾。入白蜜同搗數千杵。丸如梧子大。每服五十九。空心溫酒送下。服百日後五臟充滿。肌膚滑澤。此藥須擇四季旺相日。或甲子日修合。亦名五芝地仙金髓丸。

防風飲子

本事治風眩頭暈川芎散。

山萸肉

一兩

山藥

人參

甘菊花

小川芎

茯神

各半兩

右爲細末，每服二錢，酒調下，不拘時日，三服。

肝厥頭暈之方

本事釣藤散

釣藤 陳皮 半夏 麥冬

茯苓 茯神 人參 甘菊

防風

各半兩

甘草

一分

石羔

一兩

右爲粗末，每服四錢，水一盞，半煎七片，煎七分。

去滓溫服。

下虛眩暈之方。

沉香磁石丸 治上盛下虛頭目眩暈耳鳴耳聾

沉香

青鹽

並川研

蔓荊

甘菊

各五錢

巴戟

葫蘆巴

山藥

炒

川椒

去目炒

磁石

火煨醋淬細研水飛

山萸肉

陽起石

火煨研

附子

各一兩炮

右爲細末用酒煮米和丸梧子大每服五十丸
加至七十九丸空心鹽湯下。

熱風頭眩之方

羚羊角湯

治熱毒風上衝頭目旋暈耳內虛鳴

羚羊角

二兩

菊花

三兩

防風

藁本

元參

黃芩

杏仁

去皮尖

石菖蒲

炙甘草

各一兩

每服五錢。水煎。食後溫服。

一方有羌活前胡。

耳病統論

耳者腎之竅而胆與胃之脈所過之處也故其病亦有數種。有氣厥而聾者有腎虛而聾者有風火壅閉腫痛或鳴或聾者有熱氣乘虛隨脈入耳而爲膿耳者有耳出津液結核塞耳而爲疔耳者又有左聾右聾左右俱聾之異。左聾者有所忿怒過極則動少陽胆火故從左起以龍薺丸主之。右聾者多因色慾過度致動少陰相火故從右起以六味地黃丸主之。左右俱聾因醇酒厚味無節則動陽明胃火故從中起

以通聖散滾痰丸主之。統三者而論之。忿怒致耳聾者爲尤多也。

風聾

風聾者。經氣虛而風乘之。正氣不通。風邪內鼓。則耳中引痛。牽及頭腦。甚者聾閉不通也。

魚腦膏 治風聾日久。

生鯉魚腦

二兩

當歸

細辛

附子

去皮

白芷

菖蒲

各三兩

共爲末。以魚腦置銀器中。入藥在內。微火煮候香。

去滓入瓷盒中候凝取如棗核大綿裹塞耳中。
一方以竹筒盛鯉魚腦炊飯處蒸之令烱置耳中。
一方以鯉魚胆汁滴入耳中。

久聾方

草麻子

二十一粒去油

遠志

乳香

磁石

煨各二錢

皂角

半挺煨取肉

生地龍

中者一條

全蝎

二个培

右爲細末入蠟搗圓挂入耳。

犀角飲子

治風與熱合上壅耳內痛腫聾閉。

犀角

木通

石菖蒲

甘菊花

元參

赤芍

赤小豆

各二錢

甘草

一錢炙

水二鍾，生薑五片，煎一鍾，不拘時服。若風熱壅盛，便悶心煩者，宜防風通聖散，亦有胃中痰火壅熱生風，上攻清道，因而耳鳴築築然，氣閉而

不通，鼻塞不利，口不知味，痰多，高熱不清，脈滑數大，或弦，內經所謂頭痛耳鳴，九竅不利，腸胃之所生也。宜半夏麩橘紅甘菊茯苓甘草知母酒芩麻黃石羔桔梗桑皮之屬。

鼠粘子湯

治風熱壅盛，耳內生腫如櫻桃，痛極。

連翹

黃芩

酒炒

牛蒡子

炒

元參

桔梗

梔子

炒

生甘草

龍胆草

炒

板藍根

右剉水煎食後服。隨飲酒一二盞。

厥聾

厥聾者。經脈氣厥而聾也。巢氏云。藏府氣逆。名之爲厥。厥氣相搏。入于耳之脈。則令聾。手少陽之脈動而氣厥者。其候耳內焯焯。焯焯也。手太陽厥而耳聾者。其候聾而耳內氣滿。然厥聾之候。大都肝胆氣逆所

致其症必起于卒暴之間。蓋肝胆並善逆而其氣多暴也。以龍薈丸瀉肝胆降逆氣。中有辛香并能通竅也。

龍薈丸

當歸

焙

龍胆草

酒洗

山梔

炒

黃連

黃栢

黃芩

各一兩

大黃

蘆薈

青黛

各半兩

木香

二錢半

麝香

五分另研

煉蜜丸桐子大薑湯下。二三十九丸。便不堅者去大黃。一方無黃連黃栢。有青皮柴胡胆星。

秘傳降氣湯加石菖蒲治氣壅耳聾大有神效
方
見氣門

腎虛耳聾

腎藏精而氣通于耳。腎虛精少其氣不通于上則耳聾不聰。經云精脫者耳聾是也。其候頰顴色黑瘦悴力疲昏昏憤憤因勞則甚亦謂之勞聾。

肉蓯蓉丸

肉蓯蓉

酒浸宿切焙

附子

去皮臍

山茱萸

炒

桂心

巴戟天

去心

石斛

去根

乾熟地

焙

澤瀉

兔絲子

酒浸一宿別研

人參

白茯苓

蛇床子

炒

牡丹皮

當歸

酒浸

菖蒲

米泔浸一宿

炙草

黃芪

遠志

芍藥

防風

各一兩

羊腎

一對去筋膜炙

蜜丸。梧子大。每服二十九。食後温酒下。漸加至

三十九。日三。一方有乾薑細辛。酒糊丸亦得。

益腎散 治腎虛耳聾。

磁石

製

巴戟

川椒

各一兩

沉香

石菖蒲

各半兩

右爲細末。每服二錢。用猪腎一具。細切。和以葱白。少許鹽并藥。溼紙十重。煨令香熟。空心嚼以酒送下。一方有附子。無沉香菖蒲。

大安腎丸加磁石羌活石菖蒲良

憶有戈雨亭令郎。十餘歲。痘後耳漸重聽。日甚一日。幾與聾無異。業師薛一瓢診之云。此必痘涉腎經。幸而收功者。所以告乏日甚一日。爲之圖維。于六味方中。加入鹽水炒紫衣核桃肉三兩。鹽水炒杜仲三兩。石菖蒲二兩。蜜丸開水下。服一料而

愈。鶴年

膿耳疔耳

百指云熱氣乘虛隨脈入耳聚熱不散膿汁時出謂之膿耳。治宜蔓荊子散。外用石羔明礬黃丹真蚌粉龍骨麝香等分爲末綿繻竹拭耳糝之。又耳間有津液輕則不能爲害風熱搏之津液結鞣成核塞耳令人暴聾謂之疔耳。治宜四物加羌活柴苓連翹元參等分。外用生豬脂地龍釜底墨等分細研以葱汁和捏如棗核薄綿裹入耳令潤卽挑出。

蔓荊子散

蔓荊子

赤芍

生地

甘菊

桑皮

赤茯苓

升麻

麥冬

木通

前胡

炙草

各一錢

水二盞薑三片紅棗二枚煎一盞食後服。

黃龍散

治膿耳。

枯白礬

龍骨

研

黃丹

臘脂

各一錢

燒

麝香

少許

右爲末以綿杖子攪去耳中膿水以藥摻入少

金匱翼

卷五

許日用之勿令風入。

三

鼻淵鼻塞

經曰。胆移熱于腦。則爲辛頰鼻淵。鼻淵者。濁涕下不止也。王注曰。胆液不澄。則爲濁涕。不已如水泉者。故曰鼻淵。此爲足太陽與陽明脈俱盛也。可與防風通聖散加黃連薄荷。夫足太陽主表之風寒。足陽明主裏之熱。云太陽陽明俱盛者。謂表邪與裏熱搏結。久之寒亦化熱。鬱伏于腦頰而不解也。

腦漏有老人腎經虛寒。使然者。用八味及煖腎之劑而愈。元珠

鼻塞不聞香臭。或但遇寒月便塞。或略感風寒亦塞。不時舉發者。世俗皆以爲肺寒。而用解表辛溫通利之藥不效。殊不知此是肺經多有火邪鬱甚。則喜見熱而惡風寒。故遇寒便塞。偶感便發。治法清金降火爲主。而佐以通利之劑。若如常鼻塞不聞香臭者。只作肺熱治之。瀉火消痰。或丸藥噙化。或末藥輕調。緩服。久服無不效。若平素原無鼻塞之病。一時偶感風寒。而致鼻塞聲重。或流清涕者。只作風寒治之。

防風通聖散

元珠去硝黃其滑石石羔減半。多加辛夷花。先用三五貼。再用此爲丸。每七十九丸。早晚白湯送下。

雄黃丸 治鼻鼽。

雄黃 五分 枯礬 一錢 瓜蒂 二錢 麝香 少許

右爲丸。取如豆大。搐鼻。亦治瘰肉。

蒼耳散 治鼻流濁涕不止。名曰鼻淵。

辛夷仁 五錢 蒼耳子 一錢 白芷 一兩 薄荷 一錢

右爲末。葱茶湯調下二錢。

治鼻中肉贅。鼻不可近。痛不可搖者方。

以白礬末加礪砂少許。吹其上。頃之化水而消。與勝濕湯瀉白散二貼。此厚味擁濕熱蒸于肺門。如雨霽之地。突生芝菌也。

鉛紅散 治肺風鼻赤生瘡。

舶上硫黃

白礬灰

各半兩

右爲末。入黃丹少許。染與病人面色相同。每上半錢津液塗之。洗漱罷。及臨卧再上。兼服升麻湯下瀉青丸。除其本也。

舌脹舌出

臨安民有因病傷寒。而舌出過寸。無能治者。但以筆管通粥飲入口。每日坐于門。一道人見之。咨嗟曰。吾能療此。頃刻間耳。奈藥不可得。何。會中貴人罷直歸。下馬觀病者。問所須。乃梅花片腦也。笑曰。此不難。卽遣僕馳取。道人屑爲末。摻舌上。隨手而縮。凡用五錢。

醫說

又方 舌脹出口。以草麻子。油蘸紙作燃。燒烟熏之。

治腫滿如豬胞方

釜下墨末以酢和厚傅舌上下脫去更傅須臾

卽消或先決去血汁竟傅之彌佳

千金方名百草霜散

一方

釜下墨和鹽等分醋調塗

余小兒師魯幼時忽患舌脹余以煨過皂礬取紅色者少許研末搽舌上少頃便瘥

口瘡

口舌生瘡。其候有二。一者心胃有熱。氣衝上焦。熏發口舌。其症口臭。作渴發熱。飲冷是也。外臺含煎主之。一者胃虛食少。腎水之氣逆而承之。則爲寒中。脾胃虛衰之火。被迫上炎。作爲口瘡。其症飲食少思。大便秘實。或手足逆冷。肚腹作痛。經曰。歲金不及。炎火乃行。復則寒雨暴至。厥陰乃格。陽反上行。民病口瘡。是也。宜附子理中湯。參朮甘草補其中。乾薑附子散其寒。使土溫則火自斂也。

外臺含煎

升麻

大青

射干

各三兩

苦竹葉

梔子

黃栢

各一升 蜜

八合 生地汁

生元參汁

各五合乾者二兩

薔薇根白皮 五兩

右以水六升煎取二升去滓入生地蜜等同煎

如飴細細含之差止。外臺云薔薇根角蒿爲

口瘡之神藥。

黃連膏

聖濟

黃連

三兩

猪脂

一斤

白蜜

四兩

羊髓

研二兩

右以慢火煎猪脂。取油去滓。人黃連又煎令黑色。下羊髓令化。以綿濾去滓。入蜜更煎成膏。瓷盒盛。每含一棗大。日三五度。嚙津不妨。

附子理中湯

生薑煎

生薑汁 一盞
白蜜 三兩

同煎十沸。瓷瓶盛。時時以熱水調一匙。含嚙之。按聖濟論口瘡。有實有虛。實則清之。虛則溫之。最爲明晰。然二者之外。又有腎虛火動一症。而腎虛

之候又有二端。一者腎藏陰虛，陽無所附，而遊行于上者，宜六味之屬。壯水戀火。一者腎藏內寒，陽氣不安其宅，而飛越於上者，宜七味八味之屬。溫藏歛陽也。雖有元藏陰火上攻口舌之說，乃用巴戟、白芷、良薑等味，殊未妥協。惟附子蜜炙含嚙，差爲可耳。

集簡方 治口舌生瘡

溺桶堙 七分 枯礬 三分

二味研勻敷之，有涎拭去之，數次卽愈。

齒痛

牙齒者骨之所終。髓之所養也。又手足陽明之支脈入於齒。故骨髓之氣不足。與夫陽明之脈虛。不能有所滋養。于是乎有牙齒之疾。其候甚多。治療之法。固不可略也。若陽明脈虛。風冷乘之而痛者。謂之風痛。重居齒根。侵蝕不已。傳受餘齒而痛者。謂之虫痛。若足少陰脈虛。不能榮養于骨。因呼吸風寒。或飲漱寒水而痛者。謂之腎虛。齒風痛。風痛者。齒齦多腫。或赤得風則痛愈甚。虫痛者。齒齦有竅。甚則搖動。宣露。虛

痛者悠悠戚戚無甚大痛而亦久而不已也亦有腎虛陰火上衝作痛者其候手足冷腰膝軟痛氣上衝頭面熱色赤頸筋粗大舌不大赤齟不甚腫七味湯加骨碎補牛膝治之一服如神。

去風之劑

皂莢湯

皂莢

一挺去皮子炒令黃色

露蜂房

一枚

鹽

一分

三味擘剉分爲三貼每貼以漿水煎熱漱冷吐。

當歸連翹飲

當歸

川芎

連翹

生地

防風

荊芥

白芷

羌活

黃芩

黑山梔

枳殼

甘艸

細辛

水煎服

東垣蝎梢散

麻黃

錢

白芷

羌活

防風

藜蘆

柴胡

升麻

各五分

當歸

六分

蝎梢

少許

生地

半

錢

細辛

三分

草豆蔻

一錢

羊脛骨灰 二錢

右爲細末。先用溫水漱口淨後搽之。其痛立止。
一方有熟地黃連吳茱萸。

補腎去風之劑

地黃丸 治腎藏虛。食冷熱齒皆痛。

生地黃 一兩 白茯苓 防風 獨活

枸杞子 山藥 各半兩

六味搗羅爲末。煉蜜丸。梧子大。每空心煎棗湯

下十九至十五丸 聖濟

張文仲療齒根欲脫方

生地黄搗以綿裹貼齒根。常含之甚妙。

地骨皮湯

地骨皮

生乾地黄各一兩 細辛半兩

戎鹽一分

每用五錢。水煎三五沸。熱漱。冷吐。以差爲度。

地黄湯

生地黄二兩 獨活一兩

每用五錢。以酒一盞。浸一宿。煎十餘沸。熱嗽冷

吐以差爲度。

殺虫之劑

白礬散 治齩齒齩腫出膿汁。

白礬 燒灰 熊膽 各一分 蟾酥 雄黃

麝香 各半分

右爲散。每用半錢傅牙根。一方有乾蝦蟆半

分。

牛膝散 治風齩疼痛解骨槽風毒痛。

牛膝 一兩 燒灰

每以少許末著齒間含之。

又方

郁李根一握。水一盞。煎至六分。熱含之。吐虫長六分。黑頭。

又方

大醋一升。煮枸杞根白皮一升。取半升。含之。虫立出。肘後

補腎之劑

地黃丸

人參

山萸

各四兩

生地

取汁五斤

白蜜

一升

枸杞根

三兩

白茯苓

二兩

酥

少許

右將參苓杞萸爲末，以好酒一斗煎至三升，去滓。入地黃汁酥蜜同煎，至可丸，卽丸如小豆大。每服二十九，溫酒送下，日三服，漸加至五服。

八味丸

安腎丸

咽喉

咽者嚥也。喉者候也。咽接三脘以通胃。故以之嚥物。喉通五藏以系肺。故以之候氣。氣喉穀咽。皎然明白。千金謂喉嚥主通利水穀之道。咽門主通藏府津液神氣。誤也。

喉以納氣。故曰喉主天氣。咽以納食。故曰咽主地氣。一陰一陽結。謂之喉痺。一陰謂心主。一陽謂三焦。二脈並絡于喉。氣熱內結。故爲喉痺。

喉風喉痺。皆由膈間素有痰涎。或因七情不節而作。

火動痰上。壅塞咽喉。所以內外腫痛。水漿不入。言語不出。可謂危且急矣。

兩寸之脈。浮洪而溢者。喉痺也。脈微而伏者死。

熱結咽喉。腫遶于外。且麻且痒。腫而大者。名纏喉風。纏喉風之症。先兩日胸膈氣緊。出氣短促。忽然咽喉腫痛。手足厥冷。氣閉不通。頃刻不治。纏喉風多屬痰火。其咽喉內外皆腫者是也。

喉痺之症。宜速用針法吐法以救之。若懸雍垂。則不可刺破。刺則殺人。懸雍者。生于上腭。音聲之關也。藏

府伏熱。上衝咽喉。則懸雍腫長下垂也。

乳蛾。俗名也。古方通謂之喉痺。以一邊腫者爲單蛾。兩邊腫者爲雙蛾。然雙蛾易治。單蛾則難治。

噤痛者。咽喉不能納穀與唾。而地氣閉塞也。喉痺咽痛者。咽喉俱病。天地之氣並閉塞也。蓋病喉痺者。必兼咽痛。病咽痛者。不必兼喉痺也。

凡咽喉痺。不可純用涼藥。目前取效。上熱未除。中寒復起。毒氣乘虛入腹。胸前高腫。上喘下泄。手足厥冷。爪甲青紫。七日後。全不食。口如魚口者死。

客熱咽痛

客熱咽痛者。凡風邪客喉間。氣鬱成熱。故爲痛也。統旨云。有初得病發熱而咽喉自痛者。此得之感冒後。頓厚衣被。或用辛熱卽臥。遂成上壅。或有壅熱而欲取寒涼。爲外邪所襲者。俱宜甘桔湯。甘以除熱。辛以散結也。

喉痺咽痛。一鄉皆相似者。屬天行運氣之邪。勿用酸寒之藥。點之下之。鬱其邪于內。不得出也。

清咽利膈散

薄荷

防風

元參

甘艸

各五分

桔梗

連翹

各一錢

大黃

酒炒

芒硝

牛蒡

荆芥

各七分

片苓

酒炒

梔子

各五分

右作一貼。水煎溫服。食後

醫鑿

甘桔湯

甘艸

二兩

桔梗

一兩

米泔浸

每服五錢。水一鍾。半煎服。

錢氏加阿膠。海藏

加牛蒡子。竹茹。太無加荆芥。生薑。

丹溪云。咽痛必用荆芥。陰虛火炎必用元參。

必用方加荆芥薄荷元參防風黃芩

各一兩

聖濟總錄云一切咽喉痛紫雪爲夏藥

絳雪散 治咽喉熱痛腫塞。

寒水石

半兩煨紅

礪砂

牙硝

硃砂

各研一錢

龍腦

半錢

右爲細末。每一字。摻入口嚥津。

千金烏扇散

生烏扇

十兩

升麻

三兩

羚羊角

通艸

芍藥

各二兩

薔薇根

升切一

生地

升切五

猪脂

二斤

生艾葉 六銖

右咬咀綿裹苦酒一升。淹浸一宿。內豬脂中。微火煎取苦酒盡。膏不鳴爲度。去滓。薄綿裹膏似大杏仁大。內喉中。細細吞之。

碧雪 治積熱。口舌生瘡。心煩喉閉。

苾硝

青黛

寒水石

石羔

煨各飛研

朴硝

硝石

馬牙硝

各等分

甘艸煎湯二升。入諸藥再煎。用柳枝不住攪令溶。方入青黛和勻。傾入砂盆內。冷卽成霜。研末。

每用少許。以津含化。如喉閉。以竹管吹入喉中。

牛蒡子湯

牛蒡子

二錢

元參

犀角

升麻

黃芩

木通

桔梗

甘草

各一錢

水煎食後服。此辛涼解散之劑。

聖濟射干丸方

射干

一兩

香豉

一合

杏仁

去皮尖炒

芍藥

犀角

各二兩

升麻

一兩

炙艸

半兩

蜜丸。小彈子大。每一丸含化。嚥津。日三五服。

元參散

元參 一兩

升麻

射干

大黃

各五錢
酒浸

甘艸

二錢五
分炙

每服五錢。水煎。時時含嚥。

客寒咽痛

鍼經云。寒氣客于會厭。卒然如癭。此寒氣與痰涎凝結咽喉之間。宜以甘辛溫藥治之。切忌寒涼。邪鬱不解。則疾成矣。

千金母薑酒

母薑汁一升酥

牛骨髓各一升桂心

秦椒

各一兩

防風

半兩

芎藭

獨活

各一兩六銖

右爲末。內薑汁中。煎取相淹濡。下酥髓等。合調微火。三上三下煎。平旦溫清酒一升。下膏二合。卽細細吞之。日三夜一。

半夏桂甘湯 治冷症無陽咽疼喉閉。

辣桂

甘艸

半夏製

右件等分。剉。每服三錢。水一大盞。煎半盞。候冷。

細細呷之。活人

伏氣之病。謂非時暴寒中人。伏于少陰之經。始先不覺。旬日乃發。先發咽痛。次必下利。古方謂之腎傷寒。宜用半夏桂甘湯。

咽痛失音

咽痛失音者。風熱痰涎壅閉咽門也。亦有陰虛肺損者。蓋肺象金。而出聲音。金破則不鳴。金實亦不鳴。辨之之法。實者壅遏不出。虛者聲嘶破也。

宣明訶子湯

訶子

四箇半
生半熟

桔梗

一兩半
炙半生

甘草

二寸半
炙半生

右爲細末。每服二錢。用童子小便一盞。水一盞。煎五六沸。溫服。甚者不過三服卽愈。

海藏發聲散 治咽喉痛。語聲不出。

括萋

一個

白殭蠶

去頭炒

甘草

炙二錢

右爲細末。每服三錢。溫酒或生薑自然汁調下。用五分綿裹。噙化。嚥津亦得。日兩三服。寶鑑有桔梗七錢半。炒爲末。每一錢。大朴硝一錢七。和勻口含嚥津。

咽喉妨悶

咽喉如有物妨悶者。肺胃壅滯。痰氣相搏。結于喉間。金匱所謂咽中如有炙臠。千金所謂咽中貼貼狀如炙臠。吞不下吐不出者是也。其症婦人多鬱者。恒患之。聖惠方云。憂愁思慮。氣逆痰結。皆生是疾也。

醫學正論。喉乾燥痛。四物加桔梗。荆芥。黃柏。知母煎服立已。

咽喉乾枯。常如毛刺。吞嚥有碍者。風燥也。宜荆防敗毒散。加薄荷。黃芩。倍桔梗。入生薑煎服。

厚朴湯

厚朴

薑汁炙

赤苓

紫蘇葉

各一兩

半夏

薑製一兩半

每服三錢入生薑三片同煎食後溫服。

杏仁煎

杏仁

去皮尖
雙仁炒

桑根白皮

貝母

各一兩半
酥半兩

生薑汁

二合

生地汁

二合半

大棗

六十枚

紫苑

二分

甘艸

炙

桔梗

炒

五味子

地骨皮

赤茯苓

去皮各一兩

人參

三分

共十四味研杏仁以水五升濾取汁將草藥細剉同煎至二升以綿濾去滓續下酥及地黃汁。

慢火煎成膏。每食後含一匙。細細嚥津。

按喉間痰氣結聚成核。久而不散。則生燥滯。厚朴湯用辛味以破之也。杏仁煎。假潤藥以通之也。

發聲散 治咽痛生瘡妨悶。

黃瓜萸

大者一枚 桔梗

七錢半

白礬

五錢炒

甘艸

二錢炒

右爲末。每取少許。乾摻。如咽腫紅紫色。加朴硝一錢。如喉中有小白頭瘡。入白礬末五分。

通噎散 治喉痛生瘡聲啞。

白礬砂

二錢

孩兒茶

青黛

滑石

寒水石

各一錢

蒲黃

馬牙硝

枯白礬

各六分

黃連

黃柏

各五分

片腦

二分

右爲細末煉化白砂糖和丸芡實大卧時舌壓一丸自化入喉神效。

一人但飲食若別有一咽喉斜過膈下徑達左脇而作痞悶以手按之則漉漉有聲以控涎丹十粒服之少時痞處熱作一聲轉瀉下痰飲二升再食正下而達胃矣。

喉痺諸法

喉痺者。咽喉腫塞痺痛。水漿不得入是也。由脾肺不利。蘊積熱毒。而復遇暴寒折之。熱爲寒閉。氣不得通。結于喉間。其症發熱惡寒。喘塞脹悶。不急治。殺人。針刺出血。搗鼻吐痰。皆急法也。

文潞公喉腫咽痛。喉科治之。三日愈甚。上召孫兆治之。孫曰。病得相公書判筆一管。去筆頭。露水點藥入喉。便愈。孫隨便刺相公昏仆不省人事。左右皆驚愕。流汗。孫乃笑曰。非我不能救相公。須臾嘔出膿血升餘。旬日乃平復如故。予嘗治一男子喉痺。于太谿穴

刺出黑血半盞而愈。由是言之。喉痺以惡血不散故也。

凡治此疾。暴者必先發散。發散不愈。次取痰。取痰不

愈。次取汚血也。

雙全善綱目

火鬱則發之。卽發散之意。

也。血出多則愈。有針瘡者。薑汁調熱水時時呷之。

治急喉痛。於大指外邊指甲根齊針之。不問男左女

右。只用人家常使針針之。令血出卽效。如大段危急。

兩手大指多針之甚妙。

夷堅志

挑背法。於暗室中。用紅紙條照火上。隱隱有紅

點用針挑破喉痺將死者破盡卽甦。

元公章少卿述聞德府士人攜僕入京其一患喉閉
脹滿氣喘塞不通命在須臾詢諸郡人云惟馬行街
山水李家可看治卽與之往李駭曰此症甚危猶幸
來此不然死耳乃于笥中取一紙撚用火點着半烟
起吹滅之令僕張口刺于喉間俄吐出紫血半合卽
時氣寬能言及啖粥搽藥敷之立愈士人甚神其術
後還鄉里村落一醫偶傳得此法云咽喉病發于六
府者如引手可探及刺破瘀血卽已若發于五藏則

受毒牢深。手法藥力難到。惟用紙摺爲第一。然不言所以用之之意。後有人拾得其殘者。蓋預以巴豆油塗紙。故施火卽着。藉其毒氣。徑赴病處。以破其毒也。牙關緊閉者。以烟薰入鼻中。卽時口鼻涎流。牙關自開。

醫說

周密齊東野語云。密過南浦。有老醫授治喉痺垂死方。用真鴨嘴膽礬爲末。醋調灌之。大吐膠痰數升。卽差。臨汀一老兵妻。苦此絕水粒三日矣。如法用之。卽差。屢用無不效。驗神方也。濟生方用膽礬二錢半。白礬

蠶炒五錢。研每以少許吹之吐涎。名二聖散。

孫兆治潘元從急喉痺。以藥半錢吹入喉中。少頃吐出膿血立愈。潘謝曰。非明公不能救。贈金百兩。願求其方。孫曰。猪牙皂白礬黃連等分。瓦上焙爲末耳。既授方。不受所贈。

解毒雄黃丸

雄黃

鬱金

各一分

巴豆

去皮油十四粒

細末醋糊丸。菜豆大。茶清下七丸。吐出頑痰立。匙水漿不得入口者。醋磨灌喉取吐。未吐再服。

丹溪云薑汁殭蠶末治咽痛喉痺神效。

喉痺吹藥

白礬末一錢。同巴豆一粒同炒去巴豆。取礬研細末吹之。卽吐濁痰。名碧雲散。再入輕粉麝香少許。名粉香散。吹乳蛾卽開。

玉鑽匙

焰硝七錢半 礪砂二錢半 白殭蠶一錢二分半 龍腦一字

爲末。以竹管吹半錢入喉中。神效。直指

搐鼻透關散

雄黃

研

猪牙皂莢

蜜炙
去皮

藜蘆

各一
分

右爲末。每用一匙。分彈入兩鼻中。關透卽差。

凡人患喉閉及纏喉風。用藥開得咽喉。可通湯水。急吃薄粥半碗。或一碗。壓下餘熱。不爾卽病再來。不可不知也。咽喉旣可。身熱頭疼不止。此感外邪。看脈氣及大小便。有表症則發散。有裏症則微下之。皆愈。愈後虛喘而身不熱者。必是服涼藥過多而下虛也。當服鎮重溫藥一服。如黑錫正元之類。以粥壓之。

冰梅丸

治喉風腫痛如神。

天南星

三十個

大半夏

白礬

白鹽

防風

朴硝

各四兩

桔梗

二兩

甘艸

一兩

大梅實

揀七分熟者一百個

先將硝鹽水浸一伏時。然後將各藥研碎。入水拌勻。方將梅實置于水。淹過三指爲度。浸七日。取出晒乾。又入水中。浸透晒乾。蜈藥水乾爲度。方將梅子入磁罐封密。如霜衣白。愈佳。用時綿裹嚙口中。徐徐嚙汁下。痰出卽愈。

時行喉痛。宜用普濟消毒飲子。

神效散

治喉痺語聲不出猪牙皂角和霜梅爲

末噙之急喉痺其聲嘶者有如痰在喉響此爲
肺絕之候宜用人參膏救之用竹瀝薑汁放開
頻頻服之如未得參膏獨參湯亦得早者十全
七八次則十全四遲則十不全一也

爛喉痧方

筆友張瑞符傳

西牛黃

五厘

冰片

三厘

眞珠

三分

人指甲

五厘男病用
女女病用男

象牙屑

三分
焙

青黛

六分去
灰脚淨

壁錢

二十個焙土壁磚上者
可用木板板上者不可用

共爲極細末。吹患處效。

筆友張瑞符。湖州府人也。予往來二十年矣。其爲人也敦厚和平。年過五旬。並未生育。雖置妾亦終不得懷孕。忽一日途遇李相士。卽導喜云。爾當生子矣。李乃張之同鄉友也。張錯愕曰。我半生已來並未生育。爾何得相戲若此。李曰。我昔年曾看爾相。許爾無子。今爾陰囊紋已滿面。豈無子之相。後果如其言。予因問張曰。爾一生如何爲善。張曰。生平並未有善。只有兩事。亦人所當爲者也。一舍弟。

早亡。所遺一子。我撫養長大。而舍弟所有主顧。我已相與二十年矣。舍姪既長。我使之去。彼不願。我曰。爾在我處。我甚有益。但爾不去。終身只作店夥。我所不忍。今與爾筆。同往各主顧家。相致曰。此卽我舍弟某之子也。今已長。可仍用其筆。况此子自幼在我店習業。彼之筆卽我之筆也。又此方甚效。我所不秘。餘亦並無所爲。予曰。只此可稱善矣。有姪少孤。撫之成立。并使其能繼父業。有救急之方。而公之于世。善莫大焉。予得是方。并述其始末云。

爾鶴年

門人

平舟沈安伯

星門陳步羔

全校字

珊圖南

男

龍翔召南

金匱異卷五